

դուք եւս մի յարուցանէք վէճս սակս դոյզն իրաց, միայն աւել ածելով տեղն չգրաւի: Տեսեալ Հայոց թէ չիք օգուտ ինչ 'ի խօսելոյ, մեկնեցան անտի 'ի տեղիս իւրեանց:

Գ Լ Ո Ւ Խ Լ Է .

Մեկնիլ Նուրի Էֆէնտեյ յերուսաղէմէ: Բզէշին Սիդնի: Լատինք: Խաչկալք Մնեղեան եւ կարգաւորութիւն Պատարագի: Հանգէս Հայոց 'ի Մուսգ: Ատեւութիւն Լատինաց եւ վէճ՝ վասն ճանապարհի նոցին: Գնալ 'ի Բեթղէհէմ՝ վասն կարգաւորութեան նորին խնդրց:

Մ ՈՒՎԵԼԼԱՅ ՎԷՔԻԼԻ ՄԷՀԷՄԷՆՏԻՆ Նուրի Էֆէնտի զինի աջալուրջ հսկողութեամբ եւ հաւատարմութեամբ կատարելոյ զսալաւոս իւր, պատրաստեցաւ 'ի չու, և քաղաքավար խոհեմութեամբ առաջի առնէր Հայոց զվարձ ծառայութեան իւրոյ, իբրեւ ստիպեցին նոքա ինքն որոշել զայն, նա ըստ խոհեմութեան իւրոյ առնէր պատասխանի, զոր ինչ սահմանեցէ Տէրութիւնն, և որքան արժան համարիք դուք և գլխաւորք ազգին ձերոյ՝ զայն առնում, և միաբանք հաճեալ ընդ բանս նորա, գրեցին առ գլխաւորս ազգին տնօրինել զայն քաղցրութեամբ և սիրով և փոխանորդին հատուցանել անթերի, միայն ետուն յերուսաղէմ 5000 դահեկան վասն ծախուց ճանապարհի, բաց յուտեւեաց և բնակեւեաց, ընծայից և այլ ամենայն պիտոյից, զորս հոգացին Հայք յերուսաղէմ ամիսս 8, և օրս 8, ետուն նաեւ զվարձս սպասաւորաց նորին ըստ որոշման իւրոյ: Գրեցին և գիր առ ամենայն ազգայինս կոստանդինուպօլսոյ, համառօտ իմն պատմելով 'ի սկզբանէ գործոյն մինչև ցաւարտումն նորին. եւ թէ ո՛րպէս Նուրի Էֆէնտի հնազանդութեամբ հրամանի Արքային՝ համբերութեամբ և հաւատարմութեամբ կատարեաց զգործն, զորմէ գոհունակութիւն և շնորհակալութիւն մեծ յայտնելով. յայս գիր ձեռնարկեալ կնքեցին ինքն Թէոդորոս Պատրիարք, Եպիսկոպոստունք և Վարդապետք անձինք 27, և ետուն 'ի ձեռս նորա իբրեւ վկայ հաւատարմութեան իւրոյ, (1813. 'ի 28 Դեկտեմբերի). եւ